

URDHËR
Nr. 4729/8, datë 10.8.2017

PËR DELEGIM KOMPETENCE

Në mbështetje të nenit 102, pika 4 të Kushtetutës së Republikës së Shqipërisë, të neneve 28, 29 të ligjit nr. 44/2015, datë 30.4.2015, “Kodi i Procedurave Administrative të Republikës së Shqipërisë”, të nenit 6, të ligjit nr. 9000, datë 30.12.2003, “Për organizimin dhe funksionimin e Këshillit të Ministrave”, nenit 7, pika 2, të ligjit nr. 8678, datë 14.5.2001, “Për organizimin dhe funksionimin e Ministrisë së Drejtësisë”, të ndryshuar, dhe nenit 11, të ligjit nr. 90/2012 “Për organizimin dhe funksionimin e administratës shtetërore”,

URDHËROJ:

1. Delegimin e kompetencave të titullarit të Ministrisë së Drejtësisë, zëvendësministrit të Ministrisë së Drejtësisë, z. Arben Isaraj, për trajtimin dhe vendimmarrjen lidhur me propozimet me nr. 684/3; 685/2; 686/3; 687/3; 691/3; 692/3; 693/3; 694/3; 696/3; 698/3; 703/4; 1659/1; 1671/1 dhe 1674/1 Prot., datë 24.7.2017, të Drejtorit të Përgjithshëm të Përmbartimit, si dhe praktikën e plotë me nr. 4729 Prot. të Ministrisë së Drejtësisë.

2. Kompetencat e titullarit të Ministrisë së Drejtësisë, për çështjen e përcaktuar në pikën 1 (një) të këtij urdhri, do të ushtrohen nga data e hyrjes në fuqi, deri në shqyrtimin dhe vendimmarrjen përfundimtare mbi këtë çështje. Përfundimi dhe rezultatet e vendimmarrjes i njoftohen ministrit të Drejtësisë.

3. Sektori i arkiv-protokollit dhe redaktimit gjuhësor të vendosë në dispozicion të zëvendësministrit të gjitha aktet që kanë lidhje me çështjen e përcaktuar në pikën 1 të këtij urdhri.

4. Për zbatimin e këtij urdhri ngarkohet zëvendësministri i Ministrisë së Drejtësisë, z. Arben Isaraj, dhe sektori i arkiv-protokollit dhe redaktimit gjuhësor.

5. Ngarkohet sektori i arkiv-protokollit dhe redaktimit gjuhësor për njoftimin e këtij urdhri.

Ky urdhër hyn në fuqi menjëherë dhe botohet në Fletoren Zyrtare.

MINISTRI I DREJTËSISË
Gazment Bardhi